



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Friderici Forneri Theologiæ Doctoris Canonici Ecclesiæ  
Collegiatæ diui Stephani Bambergæ, De Temulentia  
Malo, Eiusque Remediis, Variis Item Scitu Iucundissimis,  
nec non vtilissimis de rebus, quæ in ...**

**Förner, Friedrich**

**Ingolstadii, 1603**

Cap. XXIV. Temulentorum effugiu[m] decimum tertium; ab Inueterata  
Ebrietatis consuetudine, quasi in naturam versa.

**urn:nbn:de:hbz:466:1-45433**

potest delectatione. Præsens sufficienti, ac mensura-  
 to vino iam expleta est, vt quidquid superinfundas  
 nauſeam pariat ac tædium. At futura magis accen-  
 ditur, atq; exasperatur, cui si satisfacere velis, nouum  
 symposium, nouo sumptu ordiendum. Ergo si aliū  
 contempseris, eodem, quo tu, computationis iure bi-  
 bentem, ac vino auidius inhiantem, pro te consulti-  
 us facies, vinum amittendo, vltra quod sufficit, nil  
 amplius, magna deinceps ruina degustare, quàm su-  
 perflua ingerendo, non paruum discrimen, citra ra-  
 tionem, citraq; sementem adire.

*Nec præ-  
 senti nec  
 futuræ siti  
 nimia pro-  
 dest meri  
 infusio.*

## CAPVT XXXIV.

*Temulentorum effugium duodecimum, ab inuete-  
 rata Ebrietatis consuetudine, quasi in natu-  
 ram versa.*

**V**T coronidis atq; auctuarii loco, finē præsentis  
 libri, proximo iā obtutu cernentes, aliquid hîc  
 superaddamus, Temulentia apud nostrates quoti-  
 diana atq; vſitatissima consuetudo, non intacta no-  
 bis omittenda. Pleriq; autumant, hoc peccatum apud  
 Germanos tolerabilius esse, eò quod natiuū sit & inolitū  
 huic nationi, atq; idcirco non vim solum consuetudinis,  
 sed & naturæ obtineat; vt quemadmodum quædam  
 gentes naturaliter quodammodo in libidinem pro-  
 na, aliæ ad iracundiam faciles; nonnullæ etiam, pro-  
 pter excellens ingeniorū acumen, ad superbiam sunt  
 procliuēs; quæ etiam si non approbentur omnino,  
 culpam tamen peccati ex parte minuunt, atque faci-  
 lius tolerantur. Idem de Ebrietate iudicandum, ad  
 quam hodiè Germania, vt olim de sua Affrica con-  
 querebatur D. Augustinus, magis, quàm à natura,  
 facilis ac prona esse videtur.

Q 4

Solu-

Solutio.

Solutio.

Ne germanus ego, verus ac genuinus, in Germaniam nostram, & præ aliis insigniorem nationem, ac cerbius quam par est, sententiam protulisse censei possim, hæc obiectio grauisissimi cuiusdam ac doctissimi viri verbis, est refellenda: *Frimum*, inquit ipse, nemo ad Ebrietatem, natura pronus esse potest; sola consuetudo eam introducit. Neq; enim vt ad iram, libidinem, atq; superbiam; vel cholerae & sanguinis copia incendit, vel ingenii subtilitas inducit, ita ad Ebrietatem quod impellat aliquid in natura est. Est quidem ad crapulam magna inclinatio in iis, qui biliosi sunt, & stomacho valent: in iis quoq; qui frigidiori sub aëre vicitant. Vnde scripsit *Seuerus Sulpitius: EBRIETATEM IN GALLIS NATIVITATEM ESSE, IN GRÆCIS CIVITATEM.* Non sic ad potandi libidinem natura impellit. Cum enim sitim, siccitas & calor prouocet, videmus sanè hodiè, homines natura calidissimos, Hispanos atque Italos, ab Ebrietate esse alienissimos: Contra frigidos atq; phlegmaticos, vt Germanos, in hoc vitium maximè prolabi, vt clarum sit, non natura, sed consuetudini tribuendum esse, quod quaedam gentes, magis aliis inebrientur.

Deindè si gentium quoddam vitium esset, omnes eo morbo laborare par erat. Nunc autem secus videmus, in turba potatorum, multos esse aut abstemios aut sobrios, qui cum *D. Augustino* homine *Afro*, inter quos Ebrietas maximè regnabat, dicere possent: *Ebrietas Domine longe est à me; misereberis mei, ne appropinquet mihi. crapula surrexit interdum seruo tuo; misereberis, vt longe fiat à me.* Et certe, in crapula difficile est, modum tenere, vt libi cõfiteatur *Augustinus*; Est enim in cibi vsu seruanda proportio Geometrica, secundum modum personæ, non rei vt

pro-

Thomas  
Stapier. de  
7. peccat.  
capit. orat.  
satecher. 6.

Lib. 3. de  
vita S.  
Martini.  
Germano-  
rum Ebrie-  
tas unde  
quaque in-  
excusabili

Lib. 10. cõ-  
fess. cap. 81.

propterea plus aliquibus concedi debeat; non sic in potus  
 qui omnibus ferè sanis moderatus sufficit. Ebrietas  
 autem, fugere qui vult, potest. Imò ut quod sentio  
 utam, puto eam multò difficilius retineri quàm vitari;  
 & maiorem non dubito esse, in Ebrietatis usu dolorem  
 & difficultatem, quàm in eius fuga. In crapula, saturitas  
 desiderium tollit, ut non facile modus excedatur. In E-  
 brietate, quo plus bibitur, eò plus sititur; ut preposterè  
 hinc cupiditati, videatur natura pœnam inflixisse, sibi ut  
 ipsa flagellum & carnifex sit, seq; ipsa torqueat & cru-  
 ciat. Atq; hæc omnia Stapletonus. E quibus id facile  
 constabit, an nostra natio ad hoc vitium natura, an  
 verò ex illiberali illa bibendi consuetudine, sit com-  
 parata. Natura certè ut iam dictum, hinc non habet  
 locum. Et omnem modum excedens illa consuetu-  
 do, tam abominanda, quin à Magistratu, tum politi-  
 co, tum sacro, ad æquabilem bibendi morem reduci  
 posset, utriusque vellent modò, nullum planè occurrit  
 impedimentum.

Atque hinc secundum librum claudimus,  
 & ad tertium paulatim adi-  
 tum aperimus.



Ebrietas  
 facilius vi-  
 tatur quàm  
 exercetur.